

八年級下學期補考

愛蓮說

周敦頤

水陸草木之花，可愛者甚蕃。

晉陶淵明獨愛菊。

自李唐來，世人盛愛牡丹。

予獨愛蓮之出淤泥而不染，濯清漣而不妖，

中通外直，不蔓不枝，

香遠益清，

亭亭淨植，可遠觀而不可褻玩焉。

予謂：

菊，花之隱逸者也；

牡丹，花之富貴者也；

蓮，花之君子者也。

噫！

菊之愛，陶後鮮有聞。

蓮之愛，同予者何人？

牡丹之愛，宜乎眾矣！